



UKIUMOORTUMIK NALUNAARUSIAQ

2022





IMARISAI

Meeqqat Oqaaseqartartuata nalunaarusiaa	3
Meeqqat Oqaaseqartartuat inatsisitigut inissimaffia suliassaalu	4
Meeqqat pillugit siunnersuisoqatigiit	5
Qamani	6
Unicef-imit nersornaaserneqarneq	8
MIO-p nersornaasiinera	9
MIO-mi suliarineqarsimasut allat	10
Internetikkut attaveqartarfiit	17
Tusagassiuteqarfinit eqqartorneqarnerit	18
Innuttaasut saaffiginnissutaat	19
MIO-p allattoqarfia	20
Aningaasaateqarfinit tapersiissutit	21
2023-mi anguniakkavut	22

Meeqqat Oqaaseqartartuat nalunaarusiaa

Ukioq 2022 MIO-mut pisoqarfiulluaqaaq. 2022-mi MIO-p qulequttat paqumigineqartut soorlu imminut toqunneq inoqatinillu aqtsineq, meeqqat inuuusuttullu atugarissaarneran-nut annertuumik sunniuteqartartut, eqqartorneqartussatut qaqlerpai.

MIO-p kissaatigisimavaa imminut toquttarneq pillugu oqallinnermi inuuusuttut isumaasa kissaataasalu ilanggutitinnissaat. MIO-p inuu-suttut imminut toquttarnermik pitsaliuineq pillugu kaammattuutaannik suliniutaa Qamani pissutigalugu innuttaasut politikkerillu oqaloqatigiilersinnissaat Naalakkersuisullu imminut toquttarneq pillugu periusissiassaasa kinguartinnissaai iluatsissimavoq taamaalilluni inuuusuttut kaammattuutaat periusissiamut ilangunneqarsinnaaniassammata.

Tamatuma saniatigut inoqatinik aqtsisarneq qulequtaavoq MIO-p 2022-mi sulinerani pingaa-ruteqartoq, tamannalu ilaatigut eqqartorneqar-poq DR Deadlinep apersormanga aamma Politiken-imi Sermitsiaq-milu allaaserisat aqqutigalugit.

MIO-p inoqatinik aqtsineq tassaatippaa nunaqqatigiinni isertuussat amerlasuunit ilisimaneqartut nipituumik eqqartorneqarneq ajortut allanngortinniarneqartulluunniit ator-lugit takussaanngitsumik pissaaneqarneq. Inoqatinik aqtsineq meeqqat pisinnaa-titaaffiinik sualuttumik innarliinermik kingu-neqarsinnaavoq. Assersuutigalugu meeqqanik kinguaassiuutitigut innarliineq kiisalu timikkut tarnikkullu meeqqanut nakuuserneq annertuumik inoqatinik aqtsinerup kingunerisarpai.

MIO-p 2022-mi inoqatinik aqtsinerup kingunipiluisa eqqartornissaat sulissutigillualerpaa 2023-milu

annertuumik inoqatinik aqtsineq meeqqat inuuusuttullu atugarissaarneran-nik ulorianartorsiortitsisoq unitsikku-mallugu tunngavilersuilluassalluni.

2022-mi MIO meeqqat atugaasa eqqartorneqarnissaannik suliniuteqarneq pillugu aamma UNICEF-imit nersornaa-serneqarpoq. Tamanna assut tulluusimaa-rutigalugulu qujamasuutigaarput. UNICEF, qujanarujussuaq taama nerso-rnaaseratsigut!

Tamatuma saniatigut Meeqqat pillugu siunnersuisoqatigiit, suleqatigisar-takkavut, politikkerit soqutigisaqa-qatigiillu suliatsinnik tapersersuisut tamaasa qutsavigerusuppakka.

Suleqatigiilluarnitsinnut qujanaq!

Asannittumik



Aviâja Egede Lynge
Meeqqat oqaaseqartartuat
Børnetalsmand



Meeqqat Oqaaseqartartuut § Inatsisitigut inissisimaffia suliqssaqlu §

Meeqqat Oqaaseqartartuut aamma MIO nunatsinni meeqqat atugaasa pisinnaatitaaffialu nakkutiginissaannut immikkut piginnaanilerne-qarsimapput. Meeqqat Oqaaseqartartuut aamma Meeqqat pillugit siunnersuisoqatigiit pillugit Inatsisartut inatsisaat nr. 11, 22. november 2011-meersoq.

1993-imi Kalaallit Nunaat Meeqqap Pisinnataitaaffii pillugit Naalagaaffiit Peqatigiit isumaqati-giissutaannut (tamatuma kingorna FN-ip Meeqqat pillugit isumaqatigiissutaat) ilannguppoq. Tassa Kalaallit Nunaat pisussaalerpoq FN-ip Meeqqat pillugit isumaqatigiissutaanni malit-tarisassianik 54-inik maleduaanissamut. Meeqqat Oqaaseqartartuata inatsisiliorneq sulisarnerlu FN-ip Meeqqat pillugit isumaqatigiissutaat malillugu

Kalaallit Nunaata pisussaaffiinut naapertuunnersut nakkutigisussaavaa. Meeqqat Oqaaseqartartuata tamatuma saniatigut meeqqat inuaqatigiit akornganni inuunerminnilu pisinnaatitaaffia soqutigisaasalu siuarsarneqarnissaat inuaqatigiinnilu meeqqat atugaasa ukkatarinissaat paassisutissutiginissaallu suliassarai.

Meeqqat Oqaaseqartartuata tamatuma saniatigut meeqqat inuaqatigiit akornganni inuunerminnilu pisinnaatitaaffia soqutigisaasalu siuarsarneqarnissaat inuaqatigiinnilu meeqqat atugaasa ukkatarinissaat paasisutissutiginissaallu suliassarai. Meeqqat Oqaaseqartartuata meeqqat atugaat pillugit ingerlaavartumik akuutitsissallunilu katersuissaq aamma politikkerinut inersimasunullu allanut, meeqqat inuuusuttullu pillugit aalajangiisartunut, meeqqat sinnerlugit oqaaseqartassalluni.

MIO meeqqat pisinnatitaaffii maalaarsinnaatitaanerlu pillugit siunnersuisarlunilu ilitser-suisarpoq politikkumullu attuumassuteqarnani. Meeqqat Oqaaseqartartuata ukiut sisamakkaarlugit Naalakkersuisunit toqqarneqartarpoq. Meeqqat Oqaaseqartartuata Aviâja Egede Lynge pingajussaa toqqarneqarsimavooq.

Meeqqat Oqaaseqartartuata aamma Meeqqat pillugit siunnersuisoqatigiit pillugit inatsisit uani atuarnerukkit: www.naalakkersuisut.gl aamma www.mio.gl





Meeqqat pillugit siunnersuisoqatigiit

Meeqqat pillugit siunnersuisoqatigiinnut ilaasortat arfineq-marluupput ukiut sisamakkaarlugit toqqarneqartartut. Maanna siunnersuisoqatigiit atuuttut 2022-mi maajip qulinganni pilersinneqarput. Meeqqat Oqaaseqartartuat siunnersuisoqatigiinni siulittaasuuvvoq. Siunnersuisoqatigiinnut ilaasortat sulisuupput meeqqat perioriarnerannik ineriarnerannillu, atuarnerannik, kulturikkut sunngiffimmilu inuunerannik, peqqissusiannik, inatsisitigut inisisimaffiannik meeqqallu immikkut pisari-aqartitaqartut pillugit ilisimasaqartut.

Meeqqat pillugit siunnersuisoqatigiit suliassaat:

- Meeqqanik susassaqarfimmi periusissianik, tassunga ilanngullugu periusissianik meeqqanut attaveqartarnissamik attaveqaqateqarnissamillu qulakkeerinnittunik, ineriarortitsinermi Meeqqat Oqaaseqartartuanut ikuineq.
- Meeqqat pillugit apeqqutini tamani Meeqqat Oqaaseqartartuannik siunnersuineq ilitsersuinerlu.
- Inatsisartut inatsisaat nr. 11, 22. november 2011-meersumik eqqortitsinissamut peqataajuarned.

Meeqqat pillugit siunnersuisoqatigiinnut ilaasortat nutaat tassaapput:

Rikke Frederiksen, MSc
inua-qatigiit
katitigaanerannik ilisimasalik
Julie Lynge, kalaallit meerataat pillugit kattuffiup allattoqarfiani aqutsisoq
Erni Kristiansen,
ilinniartitsisutut ilinniarsimasoq aamma KRK-INUA-mi suliniummik aqutsisoq
Dina Berthelsen,
meeraaqquerisut aqutsisuat
Lars Fleischer, ilinniartitsisutut ilinniarsimasoq aamma Avannaata Kommuniani atuarfeqarneq pillugu siunnersorti
Nuka Fleischer, Maelkebøttecennterimi piginnaasat ineriar-tortitsinerlu pillugit pisortaq

Meeqqat pillugit siunnersuisoqatigiit Meeqqallu Oqaaseqartartuata ataatsimoorlutik quelequttat arlallit ukiuni tulliuttuni immikkut sammineqartussatut toqqartorsimavaat: meeqqap isiginnittaasia, ilaqtariit qanoluunniit ilusillit, siusissukkut iliuuseqarneq, meeqqat innarluutillit, meeqqat tarnikkut sullinneqartarneri aamma meeqqat tarnikkut nappaatilinnik angajoqqaallit, sullinniakkat inuuusuttut, imminut toqunnerit inoqatinillu aqutsineq.

Tamatuma saniatigut Meeqqat pillugit siunnersuisoqatigiit meeqqap isiginnittaasia inatsisini nutaani tamani eqqarsaatigineqarniassammat nunatsinni inatsisit nutarsarneqarnissaasa tunngavilersorluarnissaannik anguniagaqarput. Ullumikkut inatsisissatut siunnersuutit nutaat siunnersuutip meeqqanut inuuusuttunullu kingunissaannik isum-merfiginninnissamik piumasaqaateqarneq ajorput.

Tamanna MIO-p Meeqqat pillugit siunnersuisoqatigiivisa allanngortikkusuppaat taamaalilluni meeqqap isiginnittaasia inatsisissatut siunnersuutini nutaani tamatigut ilanngunneqartarniassammat.



Nunatsinni imminut toquttut amerlassusaat nunarsuarmi qaffasinnerpaat ilagaat ukiunilu 50-ini kingullerni amerlassusaat qaffasittuar-simallutik. 2005-imiilli ukiumut imminut toquttut amerlassusaat 29-miit 62-imut nikerrartarsimapput. Imminut toqoriarnerit imminullu toquunnissamik eqqarsaateqarnerit atugaasorujussuunerisa saniatigut politiit ukiumoortumik nalunaarusiaannit erserpoq imminut toquunnissamik sioorasaarinerit amerlassusaat ukiuni tallimani kingullerni 832-miit 1.309-mut qaffariarsimasoq.

Imminulli toquttarnermik ajornartorsiummi initunerpaat, tassa inuuusuttut, akuliutitinnejarnissaat ukkatarineqarpianngilaq. Uffa sullinniakkat taakku suna pineqartoq ilismalluarnerpaagaat: Qajannartumik inissisimaneq atugarliornerlu qanoq paasisariaqartut ikiuinerillu qanoq ittut pisariaqartut.

2022-mi upernaakkut Meeqqat Oqaaseqartartuat taamaattumik aalajangerpoq imminut

toquttarnermik pitsaaliuilluni suliaqarnermi qanoq iliortoqartariaqarneranik inuuusuttut aperiumallugit MIO-p nunap immikkoortuinut assigiinngitsunut angalanissaanik sulinuit aallartisarneqassasoq. Suliniutip taaguutigaa "Qamani".

Qamani-mi inuuusuttut – inersimasuunngitsut – eqqartorusutaat ukkatarineqarput. Periutsit atorneqartut inuuusuttunut inuunermilu atugaannut tulluarsagaapput. Suleriutsimi alaatsinaanneq, ammaneq, soqtiginninneq ataqqinninnerlu tunngavigineqarput. Inuuusuttut inuunertik pillugu immikkut ilisimasaqartuupput.

Nunatsinni illoqarfintti pingasuni assigiinngitsuni – Nuummi, Ilulissani Qaqortumilu – Qamani pillugu aaqqissuussisoqarpooq.

Qaqortumi peqataasut tamarmik Sulisartut Højskolianni ilinniartuupput nunatsinnilu illoqarfinit nunaqarfinnillu tamaneerlutik: Qaanaaq, Upernivik, Aappilattoq, Tasiusaq, Qaqortoq, Tasiilaq, Sisimiut, Kuummiut, Upernivik Kujalleq, Nuussuaq (Upernivik), Ilulissat, Ammassivik, Atammik, Ikamiat, Qasigiannguit, Sarfannguit aamma Nanortalik.





Ass./Foto: Leiff Josefson

Suliniummit Qamani-mit inerniliussat pingasutigut ingerlateqqinnejarpuit:

- Imminut toquutarnermik pitsaaliuinermut kaammattuutinik nalunaarusiaq aalajangiisartunut inuiaqtigiinnullu tamanut.
- MIO-p periusiinik aamma Qamani-p tunuliaqtaanik allaatiginnittooq tunuliaquttatut nalunaarusiaq.
- Inuuusuttut oqariartuutaasalu ingerlarnignik filmiliaq.
-

Septembarip naanerani MIO suliniut Qamani pillugu siullermeerluni filmimik takutitsillunilu inunnik aalajangersimasunik oqallitsitsivoq Nuumi Ilulissanilu, pisunilu taakkunani tapersersuilluartoqarlunilu soqutiginnittooqarluarpooq.

Nuummi takutitseqqaarnermi Naalakkersuisut siulittaasuat Muté Borup Egede ima oqarpooq: "Inuuusuttut tusarnaarnissaat pingaarnerpaaq. Oqariartuutaannut tusarnaarnissaq. Aamma tusarnaaginnarnani iliuuseqarnissaq."

Alloriarnerup tullia

Alloriarnerup tullia tassaavoq iliuuseqarneq. Meeqqat Oqaaseqartartuata inatsisitigut suliassaraa nunatsinni meeqqat inuuusuttullu atugaasa nalilorsornissaat. Inatsisini aalajangersakkat meeqqallu pillugit isumaqati-giissummi siunertarineqartut aallaavigalugit Meeqqat Oqaaseqartartuata Kalaallit Nunaat FN-ip Meeqqap Pisinnaatitaaffii pillugit isumaqatigiissutaannik eqqortitsinersoq nakutigisussaavaa.

Qamani-mi neriuutigineqarpoq inuuusuttut inuiaqtigiinnut, politikkerinut akisussaasunut oqartussaasunullu oqariartuutaat kaammattuutaallu pimoorunneqassasut akuliutitneqassasullu taamaalillutik naggataatigut pitsaasumik allannguititsisinnaaniassammat.



[Uani filmi takuuk](#)



[Takutitseqqaarnermit toqqaannartumik aallakaatitsineq uani takuuk](#)



Ass./Foto: Leiff Josefson





MIO 2022-mi UNICEF-imit nersornaaserneqarpoq

Ukiut tamaasa UNICEF Danmark-ip siulersuisui Unicef Pris-imik nersornaasiisarput inummut, peqatigiiffimmut suliffeqarfimmulluunniit ukiuni arlalinni Danmarkimi nunaniluunniit tamalaani meeqqat pillugit immikkuullarissumik ili-uuseqarsimasumut.

2022-mi MIO UNICEF Pris-imik nersornaaserneqarpoq meeqqat atugaasa eqqartorneqarnisaat tamaviaarluni sulismanini pillugu.

Jesper Lok, UNICEF Danmark-imi siulersuisut siulittaasuat MIO-p ukioq manna UNICEF Pris-imik nersornaaserneqartussatut toqqarneqarnera pillugu ima nassuiaavoq: "MIO-p sulinera Kalaallit Nunaanni meerarpassuarnut inuu-suttorpassuarnullu allannguuteqarpoq.

Meeqqat inuusuttullu nipimik tunivasi – aamma ilinniartippasi isumaat inersimasut isumaattulli pingaaruteqartigisoq. Isumaqarpugullu taman-na nersorneqartariaqartoq," taama Jesper Lok oqarpoq.

Meeqqat Oqaaseqartartuat Aviâja Egede Lynge MIO sinnerlugu nersornaaserneqarneq pillugu qujarujussuarpoq imalu oqarluni:

"Nersornaaserneqarnerput killitsissutigeqaara. Siullertulli ilissi meeqqat, inuusuttut inersimasullu ukiuni kingullerni uagutsinnik oqalo-qateqarsimasusi qutsavigerusuppassi. Qujanaq tatigaluta oqaluttuanik taama sapernartigisunik oqaluttunnissatsinnut sapiissuseqarassi, aamma sapiissuseqarassi taama iliornikkut meeqqat inuusuttullu artorsartut tamaviaarutiginissaannut. Ilissiuna nipersi akisussaasunut ingerlateqqikkippuit taamaattumillu nersornaat aamma ilissi pigaarsi."



[Nersornaasiinermik video uani takuuuk](#)



Lars Møller 2022-mi MIO-mit nersornaaserneqarpoq

Naalagaaffiit Peqatigiit Meeqqat pillugit Isumaqtigiaissutaasa novembarip 20-anni nalliuusineqartarneranut atatillugu MIO-p ukiut tamaasa inuit peqatigiiffiilluunniit meeqqat pisinnaatitaaffiilu pillugit immikkut iliuuseqartut – amerlanertigut imaannaanngitsunik atugaqarlutik – ukkatarisarpai. Lars Møller 2022-mi MIO-mit nersornaaserneqarpoq. Lars Møller 35-nik ukioqarpoq Ilulissaninngaanneerlunilu. Ilinniarritsisunngorniatut ilinniarlunilu assammik arsartartunik sungiusaasartuuvoq.

Lars piumassuseqarluartuuvoq nammineq kajumissutsimik inuusuttut akornganni imminut toquunnermik pitsaliuinermik suliaqartartoq. Avannaata Kommunia suleqatigalugu imminut toquutnarnermik pitsaliuinermut inuusuttut sak-kussanik amerlanerusunik tuniumallugit iliuutsinik aallarnisaavoq.

2022-mi ilaatigut suliniut Qamani, imminut toquutnarnermik pitsaliuinermut inuusuttut kaammattuuteqarnissaannik suliniut, pillugu MIO qanimut suleqatigaa, aamma inuusuttunik akuutitsinissaq Larsip pingaartittorujussuua. Larsip pingaartippaa imminut toquutnarnermik pitsaliuinermi inuunermi pitsaasut siuarsnissaat. Inuit kajumissaartarpai inuunermi suut pingaaruteqartut eqqartoqqullugit paquminartullu nunguterneqaqqullugit imminut toqunneq ammasumik eqqartoqqullugu.

MIO-meersut tamarmik Lars qutsavigingaarlugulu nersualaarpaat.

MIO-p NunaFonden aningaasanik tapersiisoq, ukiut tamaasa nunatsinni piumassuseqarluartunut annertuumik allanngueqataasartoq, qutsavigaat.



MIO-mi suligrineqarsimasut allat

2022-p ingerlanerani MIO-p suliniuitit assigiinngitsut meeqqat pisinnaatitaaffiinik siuarsasut arlallit peqataaffigisimallugillu aallartisarsimavai. Quppernerni tulliuttuni 2022-mi suligrineqarsimasut pillugit assersuutit takuneqarsinnaapput:


Nuuk International Friskole-mi
8.klassertut pulaartut meeqqallu
pisinnaatitaaffii nunatsinnilu
meeqqat atugaat pillugit Meeqqat
Oqaaseqartartuannik apersuisut.



Nuuk International Friskole-mi
8.klassertut pulaartut. Atuartut
nunatsinni inuuusuttut akornganni
imminut toquutarneq pillugu
Meeqqat Oqaaseqartartuannik
apersuipput.



Septembarimi MIO ukiumoortumik nunani
avannarlerni meeqqat ombudsmandii
Nuummi ataatsimiinneranni qaaqqusisuu-
voq, tamatumanilu nunat katillugit arfineq-
pingasut ilaapput. Meeqqat ombudsmandii,
tassunga ilanngullugu Meeqqat Oqaase-
qartartuat, inuiaqatigiit meeqqanut pitsaa-
nerpaanik qulakkeerinninnissaannik nunallu
malittarisassanik immikkut ittunik meeqqanik
inuusuttunillu illersuisussanik akuersi-
sarnissamut pisussaanerannik najoqqutas-
siaq malillugu tamarmik sulisarput.





Meeqqat Oqaaseqartartuat PI/SPS-imi Ilulissani isumaginninnermi ikiortitut ilinniartut, socialassistenitut ilinniartut aamma perorsaasutut sammivilimmik bacheloritut ilinniartut ilinniartippai.



Meeqqat Oqaaseqartartuat Aningaasa-qarnermut Siunnersuisoqatigiit meeqqat inuuusuttullu ilinniagaqarnissamut periarfissaanni akimmiffiusut aamma atuarfimmi ilinniarfeqarfinnilu suliniutini tamani tarnikkut ikuinermik immikkut ukkataqarlutik isumasioqatigiinneranni saqqummiivoq.



Meeqqat Oqaaseqartartuat Danmarkimi isumaginninnikkut qajannartumik inisisimasut pillugit ataatsimeersuernermi saqqummiivoq. Matumaninunatsinni ilaqtariit atugaat kiisalu ikiorneqangitsut amerlasuut Danmarkimut nuuttarmata ikiorneqarnissamut pisinnaatitaaffiinut akimmiffiusut eqqartorpai.



MIO Meeqqat Ulluannut juunip aallaqqaataannut atatillugu musikvideumik saqqummersitsivoq. Erinarsuutip ilaatigut oqariartuitigaa inersimasut meeqqap eqqaaniittut inuiaqatigiillu isumagisussaagaat meeqqat tamarmik ajunngitsumik atugaqarnissaat. Musikvideup taaguutigaa "Paarissavatsigit". Erinniortuuvoq Nukannguaq Geisler erinarsortuullutilu Siiva Fleischer, Nuummi Nipilorsorermik Ilinniarfimmi niviarsissat erinarsoqatigiit, Hans Jukku Noahsen aamma MIO-p erinarsoqatigiivi. Videuliortuuvoq Made In Nuuk Production (Anders Berthelsen).



Qaammatini maajimi juunimilu Meeqqat Oqaaseqartartuat assigiinngitsunik suliaqarpoq. Ilaatigut nunat avannarliit killiit suaassutsimut attuumassutilimmik nakuuserneq qanigisallu akornganni nakuusertoqartarnera pillugit ataatsimeersuarneranni saqqummiivoq. Tamatuma saniatigut Inatsisartuni Ilaqutariinnermut Peqqissutsimullu Ataatsimiitaliamik ataatsimeeqateqarpoq tamatumani lu meeqqanik ilaqutariinnillu susassaqarfimmi iliuuserineqartariaqartut killiffiannik saqqummiilluni. Kiisalu imminut toquttarnermik pitsaaliuineq pillugu Peqqinnissaq pillugu Ataatsimiitaliarsuarmut saqqummiivoq.



Meeqqat Oqaaseqartartuat Nuummi NunaMed-ip ataatsimeersuarnerani keynote speak-imik naggasiilluni oqalugiarpoq inuuusuttullu imminut toquttarnermik pitsaaliuinermi kaammattuutaat pillugu QAMANI-filmi takutillugu. Tamatumani politikkerit ilisimatuullu inuuusuttunut tusarnaarneroqqullugit kajumissaarpai periutsillu nunat inoqqaavinit ineriantortinnejarsimasut nunallu inoqqaavinit aallaaveqartut atorneqarne-risa nukittuffiunera erseqqissarlugu.

Meeqqat Oqaaseqartartuat "Girl's Cultural Vitality, Leadership, and Wellbeing" pillugu Columbia Universitymi oqalugiartoq.

Meeqqat Oqaaseqartartuat Columbia Universitymi inuit pisinnaatitaaffii pillugit tunngavilersuinermik ilinniagaqartuuvoq.



Meeqqat Oqaaseqartartuat nunap inoqqaavisa arnartaat siuttut nunanit tamalaaneersut Californiami ataatsimeersuarnerani oqalugiartoq.

Ukiuni 13-ini kingullerni nunap inoqqaavisa arnartaat siuttut aamma Seventh Generation Fund for Indigenous People, Californiamut angalanerminut kiisalu MIO-p periusianik atuakkiamut 2023-imi saqqummertumut aningaasaliisoq, suleqatigisimavai.

Meeqqat Oqaaseqartartuat kræftimik eqqugaasut tapersorsorumallugit Neriuffiup ukiumoortumik nuna tamakkerlugu kater-suiniartitsinerani sianertunik oqaloqateqr-nissamut piareersimasoq.



IMAK-imi siulittaasoq Elna Heilmann Meeqqallu Oqaaseqartartuat Aviâja Egede Lynge suleqati-giinnissartik pillugu ataatsimiittut.



Avannaata Kommuniani ineriartronermut ataatsimiitaliaq aamma MIO ilaatigut imminut toquttarnermik kinguaassiuutitigullu kannguttaatsuliornermik pitsaaliuineq perosaanermilu killiliisarneq pillugit suleqatigiinnissamut periarfissat pillugit ataatsimeeqatigiipput.




Meeqcat Oqaaseqartartuat
Kunngikkormiutut Ataqqi-
nassusillip Kunngissap Nulia
Maryp Mary Fonden pillugu
juullimi kaffisortitsinerani
peqataavoq.

Tamatuma saniatigut Mary
Fondenimi ataatsimiinner-
mut qaaqquaavoq.



Ass./Foto: Det Danske Kongehus

MIO-p decembarimi suleqatini siunissamilu suleqatissani tikeraarpai Københavnimi, Oslo mi Billundimilu, tassunga ilaapput Barneombudet, Norges Institution for Menneskerettigheder, Mary Fonden, UNICEF Danmark, Børns Vilkår, HeadSpace aamma Børnerådet.



Ass./Foto: UNICEF Danmark

2022-mi internetikkuut attaveqartarfiit


MIO-p 2022-mi FN-ip meeqqat pillugit isumaqtigiiussutaasa MIO-lu sulinera ilisimaneqarneruleqqullugit internetikkuut attaveqartarfiit assut atorsimavai. MIO-p Facebook, Instagram aamma TikTok atugarilluartarpai. Pingaartumik MIO-p Facebook-imi quppernera sullinniakkat amerlasuut angunissaannut aqquissaaavoq pingaaruteqartoq.




Tak. 2: Ukiqatigiaat suaassusaannut agguataarlugit

20

Facebookikkuut malinnaasut ~ 10.600



Tak. 1: 2022-mi MIO-p Facebookikkuut malinnaasuisa suaassusaat



Inuit anguneqarput 61.227

MIO-p Facebook-imi quppernerani 2022-mi inuit anguneqartut katillugit tassaapput 61.227-t (akiliilluni akiliinanilu takutitsivineqartut). Takutitsivineqartut ikinnerpaapput aasakkut (MIO-p sulinngiffeqarneq pissutigalugu ikkussivallaarfiginngisaani) amerlanerpallutilu novembarip naanerani/decembarip aallartinnerani. Facebook-imi qupper-neq 6.665-eriarluni iserfigineqarsimavoq septembarimilu iserfigineqarnerpaalluni (immaqa suliniummi Qamani-mi takutitseqqaarneq pissutigalugu) kiisalu decembarip aallartinnerani (immaqa Meeqqat Oqaaseqartartuata DR Deadline mit pulaartorineqarnera pissutigalugu).

Takussutissiami saamimmi takuneqarsinnaavoq MIO-mik malinnaasut illoqarfinnit suminngaanneertarnerisa missingerneqarnerat, tamatumani Nuuk 33,2 procentimik inissisimaffearluni qaffasinnerpaavoq.

Tusagassiuteqarfinnit eggartorneqarnerit

Tusagassiuteqarfiiit MIO-p ilaatigut meeqqat pisinnaatitaaffiinik unioqqutitsinerit eqqartuisitsisarneranut pingaa-ruuteqarput. Taamaattumik MIO 2022-mi tusagassiuteqarfitsigut tusarsaaqattaarpoq.

Assersuutigalugu arlalinnik nalunaaruteqartarlunilu oqallissaaruteqartarpoq, aamma Meeqqat Oqaaseqartartuat arlaleriarluni apersorneqarpoq nunalu tamakkerlugu raatiukkut tv-kkullu allakaatitassiani assigiinngitsuni soorlu ILLEQ-mut aamma Tamalaat-nut peqataalluni. 2022-mi Meeqqat Oqaaseqartartuat sulinini pillugu siullermeerluni Danmarkimi oqaaseqarpoq Politiken-imi allaaserisat ataqtigiait DR2-milu Dedline-mi 1.12.2022 apersorneqarneq aqqutigalugit, tamatumani ilu nunatsinni 40-riarluni angalasarnermini inoqatinik aqutsinerup kingunipilui annertuut misigisimasani immikkut ukkatarai.

Quppernermi matumani MIO-miit tusagassiuteqarfinnut nalunaarutit 2022-milu MIO pillugu nuna tamakkerlugu allaaserisat assersuutaasut takuneqarsinnaapput.

Kulturi nipangiussiviusoq ajornakusoortoq

Meeqqat illersuisuat Aviája Egede Lynge meeqqat sumiginnagaasimasut qanoq atugaqnerat oqaluuserisassanngortinniarlugu qasusuitsumik suliaqarnermi sivisuumik siuttuusimavoq. Periorartornermi atugassarititaasut ilungersunartut kingunipiluppasaqartarp. Tamanna ajornerpaamik pisoqartillugu imminut toqunermik kinguneqarsinnaavoq. Apeqqarissaarfigineqarnermini matumani ukiut arfineq-marluk atorfimminik isumaginniffigisimasani ammasumik kingumut qiviarpai.



Meeqqat illersuisuat Ilulissani oqalugiaartoq. Ukiuni arfineq-marlunni tassani atorfearnermini meeqqat inuiniarmermikit atugaat nalunaarsioriarlugu suleqatinilu Nunatsinni sumiiflit assigiinngitsut 40-t tikinnikuaat.

Thomas Boberg



Uani MIO-miit tusagassiuteqarfinnut nalunaarutit 2022-milu MIO pillugu nuna tamakkerlugu allaaserisat assersuutaasut takuneqarsinnaapput.

- "Meeqqat Oqaaseqartartuat: Angerlarsimaffiit imerniartarfittut atorneqarsinnaanerat ernummatigineqartoq", Sermitsiaq ulloq 14.1.2022.
- "MIO: Sakkortunerusumik pillaasarnissaq aaqqiisutissaanngilaq", Sermitsiaq ulloq 24.1.2022.
- "MIO periusissaq pillugu: Innuttaasut akuutinneqarnissaanut aningaasaliisoqartariaqarpoq", KNR ulloq 27.1.2022.
- "Meeqqat Oqaaseqartartuat: Naalakkersuisut inuuusuttunik imminut toqunnermik nalaataqarsimasut tusarniaanngillat", KNR ulloq 21.3.2022.
- "MIO: Politikkikkut aalajaatsuuneq amigaatigaarput", Sermitsiaq ulloq 6.4.2022.
- "MIO'p Meeqqat pilligit siunnersuisooqatigiivi nutaat:'Nunatsinni inatsisiliortut meeqqap isigisaaniit amigarpooq", tusagassiorfinnut nalunaarut MIO ulloq 16.5.2022.
- "Nordiske børneombudsmænd diskuterer bedre skoleliv", Sermitsiaq ulloq 11.9.2022.
- "Inuuusuttut pinaveersaartitsinissamut siunnersuutaat: Ikiorneqarnissaq sakkussallu ajornaannerusut", KNR ulloq 26.9.2022.
- "Meeqqat Oqaaseqartartuat: Meeqqanut innarliisimannginnermut uppernarsaat naammanngilaq", Sermitsiaq ulloq 22.9.2022.
- "Meeqqat Oqaaseqartartuata iliuusissatut pilersaarut isornartorsioraa: Angusaqarluarnianngitsoq ersarinngitsorlu", KNR ulloq 15.11.2022.
- "Selvmord er desværre ofte endestationen for mennesker, der er vokset op med svigt", Politiken-imi allaatigisaq pingarneq ulloq 20.11.2022.
- "MIO Meeqqallu Oqaaseqartartuat UNICEF-miit nersorneqartut", KNR ulloq 20.11.2022.
- "MIO: Børn efterspørger psykisk hjælp", Sermitsiaq ulloq 20.11.2022.
- "MIO: Kommunit meeqqanik ikorsiiniarnerminnik ajornartorsioqaat", KNR ulloq 30.11.2022.
- "Kulturi nipangiussiviusoq ajornakusoortoq", Sermitsiaq ulloq 27.12.2022

Innuttaasut saaffiginnissutqat

MIO-p inatsisitigut tunngavia Meeqqat Oqaaseqartartuat aamma Meeqqat pillugit siunnersuisoqatigiit pillugit Inatsisartut inatsisaat nr. 11, 22. november 2011-meersoq § 8 imm. 2 naaperorlugu Meeqqat Oqaaseqartartuat:

- 1) Meeqqat pisinnaatitaaffii naammagittaalliuuteqarsinnaanerilu pillugit meeqqanut siunner-suillunilu ilitsersuisassaaq.
- 2) Meeqqat atugaat aamma meeqqat pisinnaatitaaffii naammagittaalliuuteqarsinnaanerilu pillugit apeqqutinut tunngassuteqartunik, pisortatigut oqartussanut, pisortat namminersortullu suliffiinut kiisalu kattuffinnut peqatigiiffinnullu il.il. siunnersuillunilu ilitsersuisassaaq.

Tassa sinerissamit tamarmit MIO meeqqat pisinnaatitaaffii pillugit innuttaasunit saaffigineqartarpooq. Innuttaasut saaffiginnissutaat ilaatigut meeqqanik angerlarsimaffiup avataanut inissiinernut, avinnernut, angajoqqaatut akisussaanermut, meeqqat innarlerneqarnerannut nakuuserfigineqarnerannulluunniit, atornerluinermik ajornartorsiutinut allarpassuarnullu tunngassuteqartarput.

2022-mi teknikkikkut unammillernartut initupput

2022-mi MIO sivisujaamik oqarasuaatikkut innuttaasut saaffiginnissutaannik tigusinissamik teknikkikkut unammillaqarpoq taamaattumillu 2022-mi innuttaasut saaffiginnissutaat qasserpiaanersut eqqortumik oqaatigisinnaanagit.

2023-p aallartinnerani MIO innuttaasut saaffiginnissutaannik qarasaasiakkut nalunaarsueriaatsimik nutaamik inerartortitsivoq, tamatumani lu ass. innuttaasunit saaffiginnissutaakkajunnerusut pillugit paassisutissat tiguneqariaannaasarput.



MIO-p allattoqarfiaq

MIO-p allattoqarfiani piffissaq tamaat atorfiit akuerisaasut arfiniliupput, taakkulu ima immikkoortiterneqarsimapput:



Allattoqarfimi pisortaq
Rasmine Hansen



Meeqqat Oqaaseqartartuat
Aviâia Egede Lynge



Siunnersortit pisortaat
Ditte Sølbeck



Attaveqaqtigiainnermut siunnersorti
Laura Lennert Jensen



Suliniutinut siunnersorti
Inuttalerneqannngilaq



Isumaginninnermi siunnersorti
Laila Ludvigsen

Tamatuma saniatigut MIO naatsorsuusiortumik suliffeqarfimmut atassuteqartitsivoq. 2022-mi MIO ikiuisartunik avataaneersunik atuisimavoq oqalutsinik, misissueqqissaarnermik nalunaarusiornernillu suliaqartartunik kiisalu siunnersortinik.

Aningaaqasqik taperiinnerit



2022-mi MIO suliffeqarfinniit, aningaasaateqarfinniillu tunisiffigineqarlunilu aningaaasanik taperneqarsimavoq. MIO-mit qujavugut tapersersuisimagamik, aammalu inuinnaat tunniussisimasut qamannga pisumik qujaffigaagut.



MIO-p 2023-mi qnguniagqi

2023-mi MIO-p 2023-2025 sulinerminik periusissiani nutaaq saqqummersissavaa. Periusissiaq atorlugu MIO-p nunatsinni ukiuni arfineq-marlunni kingullerni 40-riarluni angalasarnermini ilisimalersimasani ilisimasanik nutaanik, meeqqat pisinnaatitaaffiinik eqqortitsilluarnerunissamut iluaqutaasussanik, ilaartussavai. MIO 2023-2025 ilisimasanik nakkutiginninnermilu sakkunik, meeqqat tamarmik toqqissisimanartumik pitsaasumillu inuuneqaqqullugit aaqqiissutit pitsaanerpaat pillugit tikkuartuinissamut siunnersuinissamullu iluaqutaasussanik, ineriartortitsiner- mik ukkatarinnissaq.

Tamatuma saniatigut MIO-p meeqqat pisinnaatitaaffii pitsangorsartuassavai – ilaatigut meeqqat pisinnaatitaaffiinik inersimasut paasinnittaasiat pillugu suliniut aqqutigalugu. Tassami MIO-p misigisarmagu inersimasorpassuit meeqqat pisinnaatitaaffii pillugit ilisimasanik amigaateqartut aamma/imaluunniit meeqqat pisinnaatitaaffiisa ulluinnarni qanoq isumaqarnerannik paatsuuisartut. Ass. amerlasuunit paatsoorneqartartoq tassaavoq meeqqat pisinnaatitaaffii pissutigalugit meeqqat namminneq naalagaassasut taamaattumillu angajoqqaanit isumassui- suusunillu killilersorneqassanngitsut.

FN-ip meeqqat pillugit isumaqatigiissutaasa paasilluarneqarnissaannut maleruarluarneqarnissaannullu iluaqutaasunik inersimasunut tlluarsakkanik atortussanik ineriartortitsinissaq siunertaralugu 2023-mi MIO inersimasut akornganni ilisimasanik katersissaaq.

MIO-p 2022-mi ukiumoortumik nalunaarusiaa

Allattoq:

MIO-p allattoqarfia

Inissititerisoq:

MIO-p allattoqarfia

Assit:

MIO-p allattoqarfia, Thomas Borberg, Katuaq,
UNICEF Danmark, Leif Josefson, Arny Mogensen
Det Danske Kongehus

2023



NUNATTA MEEQQAT
PISINNAATITAAFFIINUT SULLISSIVIA
GRØNLANDS BØRNERETTIGHEDSINSTITUTION